

Obraćanje visokog predstavnika i specijalnog predstavnika EU Valentina Inzka na ceremoniji obilježavanja dvanaeste godišnjice helikopterske nesreće na Prokoškom jezeru



Tolerancija i nada će prevladati

Kada je veliki italijanski antifašistički pisac Ignazio Silone sa suprugom početkom 60-ih godina boravio u posjeti Galileji, on je tamošnje puste, ali lijepo predjele, opisao kao – citiram – “pejzaž moje duše”.

Za sve nas negdje postoji pejzaž duše – to su mesta koja naša srca ne prepoznaju samo po njihovim fizičkim karakteristikama nego i po njihovom duhovnom i emotivnom značaju.

Danas se ovdje na ovoj planini prisjećamo žrtve koju je podnijelo dvanaest muškaraca i žena koji su došli u Bosnu i Hercegovinu da grade mir. Predio koji nas okružuje je prelijep, ali sami pejzaž u sebi krije jednu drugačiju i snažniju ljepotu.

U planinama Bosne i Hercegovine, u selima i poljima i gradskim ulicama, u

farmama i poslovnim blokovima i stambenim zgradama postoji jedna realnost koja je drugačija od njenog fizičkog okruženja – to je pejzaž duše. To je pejzaž velikodušnosti, solidarnosti, suosjećanja, tolerancije i nade.

Kao i u svakoj drugoj zemlji, taj pejzaž je pod stalnim napadom alternativne realnosti – zlobe, gluposti, ravnodušnosti, mržnje i očaja.

Na ovoj planini je poginulo dvanaest ljudi da pejzaž nade ne bi bio uništen.

E, pa i nije uništen.

I neće ni biti uništen.

Ja u to vjerujem. Ja vjerujem svakim djelićem moga bića da će dobro u ovoj zemlji prevladati – jer ljudi u Bosni i Hercegovini imaju bogomdanu snagu i mudrost koja prevazilazi ograničenja njihovog političkog sistema i političkog liderstva.

Pejzaž duše ove zemlje prožima ljubav, a ne mržnja, nadahnjuje ga velikodušnost a ne zloba, održava ga nada i ne uništava ga očaj. Ta činjenica se pokazala istinitom čak i u dvije protekle užasne decenije – jer politički i moralno nekompetentni ljudi koji su pokrenuli i proveli nasilje pokušali su svesti većinu građana na sopstveni nivo i u toj su nakani tako upadljivo doživjeli neuspjeh.

Peter Backes, Livio Beccaccio, Andrzej Buler, David Kriskovich, Leah Melnick, Charles Morpeth, William Nesbitt, Marvin Padgett, Thomas Reinhardt, Jurgen Schauf, Georg Stiebler i Gerd Wagner dali su živote, kao i desetine hiljada drugih, da bi se sačuvao pejzaž duše ove zemlje.

Smrt ovih ljudi nije besmislena. Dobro će prevladati. U to sam siguran.

Sa ove planine odlazimo sa obnovljenom vjerom da će suosjećanje, tolerancija i ljubav trijumfovati – i u najgorim okolnostima, kada se čini da su glupost i sopstveni interes prevagnuli, mi ćemo pogledati naš unutrašnji pejzaž i vidjet ćemo da je snaga dobra, kao što je uvijek bila

i uvijek će biti, veća od snage zla.